

武寧縣志卷之四十一

藝文詩

古體

讀鮑馬二公傳

舉人 查振旗 星于

訪舊司訓齋巋然見楣扁司訓署即鮑公祠 楣知止鮑公祠

流觀邑乘卷豫寧匪睢陽鮑馬如巡遠巡遠邁時危兩公績

何顯憶昔白巾寇蔓滋未渠翦瓜源氛已惡龍腹更蹂踐鮑

公振臂呼精銳出疆畎耨制鉤戟瞻顧議不反霖雨洗妖

纏羣兇一朝殄書生親枹鼓何以諳驅遣山農立戰功此事

從來鮮雖資賞罰明良由撫字善馬公尤奮勇衝突力先勉

部卒一當千主將謀非淺令各圖自全未必以身免在和

在衆眞武始能偃同此蕩寇功奏最惟鮑選竹帛光名山

武寧縣志 卷四十一 藝文古體 一 七百九十四 四百四十六

水綿祀典歎古丈夫懷半以艱虞展寂寂東郊墓斷碣封苔

蘇馬公墓在東關外

棠城別墅

陳 芬 韻谷

中谷有廬環以修竹客至忘言清風一曲

貧不及炊名不及錄遠彼風塵蕭蕭自足

康辰仲冬重遊仙姑寺

張問達

偶然續舊遊視聽迥非昔古寺依然存舊句不得覓千岫吐

遠藍參差倚空壁晴烟覆其腓淡水蕩其膝幽晦幾千年今

茲乃歷歷萬象森目中清曠從所適白雲數縷生乃在東岷

側隨岷遂窅冥井泉何汨汨搗藥人未還惆悵日已夕

冬至後六日登雞籠山絕頂

不窮雞山巔不測雞山尾羣巒隱山陰森秀乃如此盤鬱疑

流雲迅速驚風雨駿馬下危坡神龍攫天市空際蕩波瀾足
底簇蓮蕊高低遠近間纖悉在顧指曾聞魚腹中八陣孕奇
詭造物自聰明變滅何生死燬燭天之外鳥鳴山之裡幽元
啟秘鑰低徊曷能已遲遲返寺門傾壺憩遊履心醉後山峰
日送前江水

竈石紀遊

歲貢 李趣堂子秋

人間遺此武陵源咫尺層山開洞天居人好事稱天竈呼吸
之間通雲烟我來結隣山之半泉頭石脚相縈旋却從間道
尋山腋倏張山骨回肘肩一石銳頂疑覆金雙嵯餓腹如側
船忽然天光何處漏石蓋應笑山磨穿只今巘脊留危竇引
入青藤都倒懸更有層巘不可卽紆磴左繞鍊橋巔別闢門
戶旋生面中通一線如鉤連傳說其間較幽邃秉燭莫或窮
武寧縣志 卷四十一 藝文古體 二 七百九十五 四百七十九
其根始信造物能好怪崆峒每費神工鑄我自羈遘山水約
魯溪暇洞遲十年西來何意復有此靈山無乃留前緣道華
一棗今安有契虛三彭漫欲聯明日會邀諸同事一掃塵襟
談妙元

魯溪洞紀遊

夏光芹醒郎

昔聞魯溪洞洞內有神仙重門秘奇怪一一出天然龍潭無
底處相戒不可前而我攀磴隘舉火窮幽元須臾出一老眉
龐髮秀娟相問無名姓時復叙其緣我本此溪主長飲此溪
泉謝絕人間世悠悠隔山川君志非巘壑豈爲白雲牽去去
勿復問看我石上眠倏忽不相見同人俟遠阡回視洞門裏
漠漠鎖寒烟

魯溪洞放歌

邑貢 余璞暮湘

不信桃源別有家仙源多被白雲遮我來魯溪三月候乍見
魯溪桃正花取次沿溪穿石磴豁開洞門舒天葩奇形怪狀
描摹絀鬼斧神工追琢嘉玲瓏皺瘦嵌離陸鐘鼓鉦析撞豁
砑上樓下閣納烟霧左旗右旆張霓霞螭舫無人繫橈楫窟
室有徑錐幽遐然火相照燄不烈微燈一點光無加蝙蝠翻
翻趁人撲石燕翱翔紛騰拏數頃荒塍列參錯一局殘枰劃
欵斜同人導我過溪北別有高臺上平沙聳身援坡歷險巖
斗口穿洞窺深涯魂驚魄悸不敢望伏身探頭禁無譁至此
已極窮其奧有誰更復浮仙楂龍湫黑漆不見底仙源斷岍
徒吁嗟嗟哉造物肆奇喬此泉此源誰疏爬獨惜僻在山之
隩可憐寂處人無誇余亦浮生同潦倒魯溪魯溪何窻窳

飲馬岡行

邑庠 張向辰 接三

武寧縣志

卷四十一

藝文古體

三

七百九十六
五百〇五

將軍岳氏真神武能使悍賊寢強虜功垂汗馬十餘年誓爲
宋室恢疆土紹興之中舉甲兵直趨洞庭震金鼓車騎所向
無不利馳驟曾過海昏地熊羆將士歡聲騰青驄白駱多騏
驥將軍英氣滿須眉行向高岡同執轡巖泉萬丈掛山頭一
飲聊佐芻茭備吁嗟名山巨壑何綿綿詩人韻士空流連奚
似將軍一駐足此地終古人爭傳君不見水聲常作怒濤沸
嗚咽猶含壯士氣烟雲渺渺樹依依千載忠魂長歔歔

伊洞龍鰍

潘崇文

伊山繚以曲伊水深且幽中有候時魚錫名曰龍鰍龍頭而
對角乘夏常出遊蟬聯歲三日湧赴大江流跋浪占雷雨衆
多知時休化生與卵育邈莫知其由如何他源內絕無其匹
儔邇來竟簡出溪影日悠悠

柳山佛巖

黃邦彥 菊里

突兀啟雙門，蘿徑攀險歷。鬼斧鑿其幽，怪穴恣搜剔。老苔無古今，寒光翠欲滴。不必叩禪扃，萬緣已俱寂。貞公何處踪，清風生石壁。

斷穀山

在曲池書院北，客死者多，塋於此。

張一錫 芻郊

層巘排空來，斷峰如尺穀。林還一徑長，游塵蹴遠目。苔石自在春，楊葉向人綠。飢鴻路頭啄，齧鼯草根宿。百尺蒼藤陰，其下有鬼哭。傷哉行路人，誰問其骨肉。一碣寄山僧，游魂依野木。柸酒東風奠，如聞哀躑躅。落日溪水流，愁雲黯空谷。

赤連舉數女有進溺女說者詩以謝之 李 赤 岸 秋

天地自茫茫，古今非仄仄。苟無好生心，何以有顏色。草木一氣中，等閒愛培植。况爲萬物靈，尤盡關天德。生男雖云美，生女豈中忒。卓哉賈生行，使我心中惻。邵人愛箕裘，育弟不育姊。鄭侯如不來，邵人從茲止。鳴鳳自有凰，羲皇自有母。六陰而九陽，造物固如此。丈夫苟不才，巾幗猶知恥。所以父子親，漢意乃不死。

十姑詩

石 璜 梅 邨

十姑者頭陀石有義次女也甫字其夫遂亡矢志不嫁終節母家年六十有奇

昨夜月尙盈，今宵月已缺。月缺有時盈，妾身已望絕。半面未曾謀，倏忽傷永訣。撫懷其如何，對影空嗚咽。憤不惜餘生，此心疇與雪。願以義命安，清操勵苦節。

烈女吟

東渡石文鳳次女成妹因誤許僕隸旋覺父母欲另

配女憤甚潛赴水死

修江之水清且潔東渡迴流不忍說前有戴婦昭盟詞後有成姑著奇節元明遞歷幾春秋後先相望同一轍景行苦况竟如何只為媒氏誣搖舌僕隸許諸秦晉懽厥父聞之義欲絕義絕義絕誠所宜節孝兩全仗何策跪泣低徊已斷腸敢云保身當明哲語畢遯跡不回頭一片冰心明澤國

幹山雜詠

邑庠 李修 字山

白雲終日隱衆山何蒼茫獨標千古幹百尺插天閭幹山
崕壁不可平山鳥鳴硯硯溪水穿石流孤雲連洞沒幹溪洞
當年嶺上亭白雲為肺腑仙人去未歸竟與衆山伍亭子嶺
溪水何淙淙中有雙赤鯉揚沙遂成洲大風吹不起大沙洲
仙水關石門重重自盤固啟閉惟白雲古今深守護石門

武寧縣志

卷四十一

藝文古體

五

七百九十八
四百九十六

密峰百丈崕清泉空傾瀉我欲叩禪扃誰復波羅者密峯
峭壁懸千仞瀑水瀉高岡雲封石髮古中有蛟龍藏石壁洞
天風何許狂仙梯落崕巷艱難不可躋獨有雲升降石梯

遊羅巖

盛芾 昱峯

幽巖生白雲朝夕泛山麓我乘春風來路盤通隈隩然火入石門繞光飛蝙蝠一澗流寒泉無風波自伏青蓮掛高閣三五看不足微磴陟雲田玉液斷復續不涸亦不盈時有苔痕綠逕步度短橋皚皚琅玕矗石壁橫素琴彈我太古曲旁有長生書摩崕不可讀太息緘經人深心將誰屬徃復烟雲中幾回勞躑躅吾亦謝之去長嘯出空谷

冰文岩

盛軌 子石

靈岩靄白雲石魚從之起風雨時徃還寒光流不已鬼斧闢

何年無乃造物詭

流月池

流月從天瀉苔痕蕩虛碧偶然秋風吹寒光生石隙孤負山中輝不照山外客

神童山

國學 李之華

猶是山連亘幽趣大都同如何開生面嘗駐高人踪宋代周先生生性亶其聰當年吟咏處一碧插盤東我嘗登其表縱目向高空修水流一綫山城明幾重故基杳何所古廟棲蒙茸人傳地亦屬千載名神童

題劉明府桂亭先生勸農圖

邑舉 余虹 承露

我聞善政譜邇風于耜舉趾勸課農古來田畷專厥功後世此事將無庸桂亭明府何從容四月累日切深衷布穀聲聲武寧縣志 卷四十一 藝文古體 六 七百九十九 四百五十字
水溶溶鞍馬翩翻出郊東綠楊道上田舍翁秧馬倥偬牛背童蠶婦提筐出桑中一時觀者萃如蜂花酒殷勤興具濃紫陌紅疇瞻化工何期再見蜀文公士民之樂樂無窮寫生妙手關荆同披來一幅琴堂中猗與休哉時方雍

節婦余盧氏

邑令 尹作翰

生不遽死苦成節死不願生慘成烈節烈二者自古難於茲兼之乃卓絕盧家女瑤池雪少小入余門星影銀河徹卅載喪其夫丹鳳分飛鸞鏡缺草不宜男憂心憊蟲鮮螟蛉望竟絕麻裙裹土築孤墳青山啼遍杜鵑血墓田數頃種梅花貞魂褊袂標孤潔年年寒食瓣香爇修江之水聲嗚咽

伊山

陳簡翼渠

我昔懷幽想欲買柴桑田追蹤五柳宅把釣步斜川及今歷

伊谷耳目疑遊仙羣峰自揖讓一水復迴旋斷嵯叢古木曲
磴隱炊烟翠竹暗谿徑天桃紅澗泉相引入深處頓令俗塵
揖何時從夙願結屋來山巔

伊叟墓

潘濤

伊水深蟠屈山巒互吐吞古木護高塚下有避秦人養龍入
石湫性習龍狎馴道適以時舍相與爲潛鱗去世身寂寞蛻
解何故親龍兮果誰本徘徊失其羣一夜封馬鬣雷雨猶愴
神茅舍今不遠石湫無問津鋤花空對月種竹自爲鄰慨然
懷曠世疇復識其眞

喜雨亭

監生李之純雅齋

城陰橫玉枕上有喜雨亭盛侯昔遊讌甘霖沛郊垆誠禱天
降康可以樂嘉賓茲夏頗苦旱野草漸無青擊鼓喧日夜瘞

武寧縣志

卷四十一

藝文古體

七

八百号
四百五十五

玉勞公庭仰視河漢流耿耿惟繁星亭中人已往誰爲叩山
靈

遊魯溪洞

余珽枕南

山峨峨石齒齒羊腸路險行且止千山萬壑盤復盤古洞不
知何處是溪邊竚立問牧童牧童遙指蒼烟裡一徑紆迴螺
壳轉怪石嵯峨排近遠水田漠漠漾清泉棋局蒼蒼羅碧蘚
龍潭水深不可測俯視瀾茫滋惶惑安得海門分水犀引我
探盡龍巢與蛟室

玉清宮偕友人方春湖偶眺

歲貢張曾勳巨虹

鐘磬生夕陰層巒度清響林鳥各安息邀我坐軒廠茫茫磊
思巢本爲昔賢賞欲尋舊時迹幽人曰旣往劒石化空蒙丹
池何泱泱呂仙仙已杳春深苔痕長相與出庭隅上下同延

望流月水聲清鐘鼎雲氣晃翹首望高峰牽衣躡屐上

南山古松歌贈同榭張人峯

邑監 生 盛 浚 更生

南山有古松結根在崕千夏日不畏酷冬日不畏寒上有青雲摩其頂下有白雲養其根亭亭孤立幾千載中有白鶴巢其間夜來風月相回互古幹盤踞未可攀世人逞往忌其才我獨低徊抱永嘆吁嗟彼蒼胡不仁使女抑鬱困頓不得伸我欲求之不憚遠但願與女共盤桓朝則觀鶴舞夜則和雲眠悠游物我外不復問歲年

題羅節婦季子職員張作舟像讚

邑令 尹作翰 湘潭

伊何人節婦子甫月餘父沒齒呱呱啼母噓唏漸長成兄友弟伯氏謀衣食仲氏教經史心性啟光明行踪羞譎詭交遊崇師儒家居飭倫紀後先荆樹凋撫姪愛不弛範之以馳驅

武寧縣志

卷四十一

藝文古體

八

八百一
四百八十四

康莊循正軌素心時涕垂爲我言其似爰握筆傳其是修水流柳山峙

烈母陳方氏

新喻 張懋芝

輕塵棲草間爲時曾有幾古來賢達誤所欠惟一死一息尙存千載鄙錦衣玉食徒爲爾嘖嘖方氏女激烈踰國士古聞同穴詩今世誰儀此吁嗟人命不可長咫尺冥冥泉路黃悲風號木天雨霜魂夢周旋那可得忍使終身稱未亡松柏旣摧折女蘿終斷絕割鼻猶聞污鱉說百年身事一朝決義重如山心若鐵夜臺仍似髮初結隣里驚號烈婦烈吁嗟烈婦身死名猶芳安得大書明表達路旁使夫道旁觀者對之慚且傷

車孝子詩

張望

豪傑科舉吾由駕凡夫局促轅下詫世運略不肯雷同千年
以來有變化問賢良於膺仕中高閣六籍諷晨夜山盪有窮
耕蘆人一個未識宏靖呵事親生死古記符和孺晶晶文章
伯此事天下落落然始皇焚書看世破坎際傅子懽孝誠躋
門以猶有人賀五里十里不聞名采風者何從偵邏久拌喬
木家園材無花無果留佇坐不以往訪好事稱聽此如欲麻
嚟臥孝子擁篲遲悲谷明日提鷄走腰幣下首高尻嫌鰕愚
問而知之赧且訝老遊不盡天一涯必有斯人藏巖罅及我
無能振高風乃爲櫟樟干雲侔

偕邱山人程萬登金雞山

邑庠 余振鐸 東魯

金雞山高高不已峭壁摩天石磊磊仰矚屣屣帽欲落樵人
喘息山腰裡予與諸君同聶屨扳籐捫石搜奇瑰蠟屐彳亍

武寧縣志

卷四十一

藝文古體

九

八百一
五百三十六

不得上五步十步未尺咫先生浩氣獨殷冲舉足翩然若遇
風獨立崔巍舒長嘯山谷爭應鳴洪鐘自是君身有仙骨用
句登臨何處不從容我到山頭還徙倚先生指點形家理最
愛身從高處來放開眼界幾千里手摩蒼穹弄日月一腔塵
俗片時洗俯仰移時日漸低日下嘹唳鴈南飛取道更從清
曠處千山控立人歸去

游柳山感賦

邑庠 余復 半艫

柳峰峭削如文筆直入青雲摩白日仙人名崖丈人名峰拜下風
遙與芙蓉名廬東西立柳公當日尋幽棲誅茅結屋山之腋
山容自此一更新千載游人仰高潔我懷此山已數秋今春
躡屐窮凹凸山林泉石尙依然墨沼書臺空殘碣自來名勝
概如斯天人理數眞難說湧翠亭中借酒杯澆殘壘塊心悽

絕山鳥啞啞古樹鳴岫雲冉冉漫山缺徘徊山下獨放歌古
道寒陰浮暮色

拜冷氏三忠祠

盛 昉

自來忠貞長不沒此祠至今祀三賢一爲宣和之進士氏冷
諱洙字晦源學問該博復強敏重任可勝智勇全卒爲中貴
所深沮尋罷歸來處林泉紹興之間國多故成賊蹂躪寇我
武將軍岳公久知公檄公區畫守此土爰繕器械及甲冑日
夜經營整儔侶大戰印斗名港大敗續寇兵益烈勢如虎追公
圍公殷土橋復戰不克心自主隻身強著短後衣冒矢突圍
力與拒大呼殺賊氣已盡卒慘書生死行伍復有應元字英
叔少隨父任宦容洲父貧卒署不能返涕泣扶杖不勝憂歲
餘父襯纒歸道道路哀之稱曰孝未幾歷官擢提刑適當國

武寧縣志

卷四十一

藝文古體

十

八百三
五百十九

危多不肖痛哭募兵勤王事沈忍毅謀舉其要孰知步將梁
與徐陰約迎降交相嘯危城已破身被執惟士心不奪無敢誚
敵復動之以崇爵大罵不顧心不搖將有所圖終罔濟不食
而死亦含笑厥後又有諱凱者字日才夫號龍崖名厠咸淳
之貢士危言危行俗不諧讀書隱居鹿洞地深得誠明之旨
祕蒿然忠義怵時艱累徵不起各有志不平則鳴輒悲歌聊
將著作舒胸次哀然十卷集著十卷龍崖都失傳徒令口碑垂奕
世先年祠祀此三公家國表揚心俱同春秋俎豆隆妥侑忠
肝義膽弔芳蹤我來拜跪檐楹下遺風懍懍騰清空安得廟
貌時修葺長留正氣塞蒼穹

車水謠

高 懿石村

桔槔鳴不已車落山頭日日落黑雲興雲散月復出月光

漫漫車頭水農夫汗

雞已鳴溪已竭枯苗有露暑氣微兩岸轆轤聲轉疾老翁力
衰不能前荷鋤獨向田中立四方星稀天欲旦城樓夜會歌
始散

喜雨

嘉慶甲戌濤隱峯洞
石鑊潭之觀音泉

邑庠生 葉

杭葦舟

石鑊潭清且深隱峯洞罨叢陰傍有層巒轟如戟紫煙縹緲
紛朝夕相傳仙人踞其顛洞內山名堆螺擁翠繞洞前洞名

螺墩

古像懸崖數百載

明成化十一年刊白衣大士像於崖之上今猶新

恍忽普陀鎮

滄海時維甲戌六月中虐遭早魃籲蒼穹烈焰高懸日復日
泥首慈雲屈千膝孟蘭心仰容安安旃檀烟幻霧漫漫隱然
霄漢藏風力瞥爾濕雲遮日色呼聲鼓聲相為儔雷聲雨聲
不肯休膏澤足田疇綠餘菽粟歡嗣續若濟大旱神之靈潛

武寧縣志

卷四十一

藝文古體

十一

八百四十五百四十四

虬豈必燒燕腥吁嗟乎宣布愷澤神之靈長誦觀音般若經

遊蟠龍寺三十韻

邑庠生 王勣

蟠龍之山何嵯嶢千盤轉盡勢迢迢深林忽傳鐘磬響中有
一刹藏其凹混沌鑿開真宰出乾戶陡闢坤軸搖羣峰圍拱
若培塿崩崦蜿蜒紛來朝時有白雲覆寺頂網緼杳靄滿山
腰欲吐欲吞狀豁閭或濃或淡抹林梢千松紛拏偃強鬪天
晴風雨亦瀟瀟甲鬣森張爭奮舞浩漾澤淳湧奔潮平生頗
志遊五岳牢籠名勝貯詩瓢脚根軒軒同霞舉矯首日月直
可招渴來翻倒三漿盆洪崖拍肩子晉邀更欲乞取安期棗
選音靜奏秦史簫雲夢胸吞不芥蒂目空九土天寥寥俯視
塵世蟻蠓耳安問何人珥漢貂蠖屈里中苦局促茲遊一使
眼界超野花競發紅爛漫行行緩度望仙橋昔日仙人已不

見放歌時逢谷口樵爲窮幽勝徑疑絕竟令神魂俱飄飄山
颿吹骨骨欲振長歌問天無乃驕但見寺前有古柏亭亭直
上千雲霄佳本移來幾歲月飽歷冰霜老不凋孤如拄天擘
雲鷲矯如摯鳥搏空鷗依依老佛堦前立居然特出挺孤標
又聞寺後泉挂壁冷然仙樂奏雲韶蒸霧喻日浮元氣銀漢
一線瀉生綃觸磴寒流懸玉乳霏霏錯落散瓊瑤山僧汲水
煮山茗自言山中春味饒我感山僧愛客意數甌白雪洗煩
囂不覺兩腋清風滿廣漠大塊任逍遙便起蟠龍乘雲氣相
與直上天門跳

石鑊洞仙泉歌

邑貢生 藻 稼江翁

古艾南巖陽麓有石如鑊藏幽谷形連丹竈鎖煙青中湧涓
流釀新綠不汎不涸淨纖塵豈羨飛崖掛懸瀑旱魃爲灾祈
武寧縣志 卷四十一 藝文古體 十二 八百八十一
禱神雨隨車至新膏沐邦民忻感石泐銘擘窠巨字生鏗鏃
勝蹟饒傳濟物功尊者當年制龍毒

鶴樓八景

邑廩貢 王 佐 別 埜

衆鳥鳴朝暉彩雲滄山谷似欲從龍飛誰作錦裳服偶過樵
父肩挑來不成幅 蜂嶺晴雲

悠悠出三源 地名 皴得一奩綠都被軟絲牽波紋密與續有客
破溪烟依稀 柳溪春水 遠矚

殘月寶坊清淡烟空林寂不見剎中人但聞聲奮激豈是景
陽宮祇爲催妝擊 烟寺曉鐘

一輪秋月明一泓秋水碧玉窟與銀塘相照何清白金氣冷
乾坤那管悲秋客 銀塘秋月

瀟灑布清陰左右遮晴日時引薰風來鳳尾諧聲律佳士與

之居涼入讀書室

竹圃迎風

庭外森古松高秀莫能折上接一峯青任聚連宵雪君子歲

寒心幽人清皎節

松林積雪

路險人蹤稀山深樹陰積穿林到樵夫長歌曉烟碧可識婁

妃詩防滑蒼苔石

山徑樵歌

春風何處來吹得郊原綠牧笛破烟橫競吹無調曲借問爾

胡然膏雨連村足

平疇牧笛

看鶴亭

邑增

喻志恢

曉埜

曾聞有鳥丁令威託蹤華表成昇飛遼東相去幾千里胡爲
此地垂遺徽山名地名兩相証欲質真情知者稀若言其事
概無信丁仙遺踪指可揮無乃仙人好奇詭往來去住無常
歸亦或丁仙別有主文人傳會多狐疑事越千載成今古看
武寧縣志

卷四十一

藝文古體

十三

八百四十六

鶴亭邊誰是非君不見林通常放鶴孤山高風自落落又不

見子晉謝時人鶴影笙聲如有神爲問遼東華表中弔古如

何此城東我來看鶴鶴不見歷歷征鴻下遠空

七里山行

邑歲

潘運良

植園

萬朵芙蓉凌劍鏑一抹輕烟何秀削峭壁高懸無處行鬼斧
神工倩開鑿憶昔石磴荆棘蒙安望徑絕風雲通白日陰幽
走厓下鈎輊格磔鳴西東誰何舟行駭奔瀉立志鳩工穿一
罅碎石如斗繞江流盡是當年鎚斫下客子行行重行行塵
埃忙碌若爲情俯瞰蛟龍爭洞穴腥風毒氣波濤驚古驛雞
鳴過者衆青山疊疊如迎送車馬轟騰石有聲踏破閒鷗宿
烟夢

上梅崖望雲得雨

郡庠

夏

賢

少非

四望渺無雲一片窓間起轉瞬千九霄濃集千萬里離奇聳
殿閣冠冕羅階彤雄風何處來電光變黷裏磅礚一聲威如
傾天河水蒼生望未深安得無量喜

伊叟舊宅

邑貢生翁 蘋 冠江

山巔結草廬隱跡深逃世織屨給饗殮豢龍通智慧兵燹辟
秦氛邃密林泉際風月共閒閒閉關心不滯遺址白雲孤峯
青人已逝

同友人遊魯溪洞

邑庠生余 翰 馨齋

秋日清輝照下土未許幽棲閉巖戶朋來躡屐魯溪遊勝地
文人多踵武空山首見石門開高低崖豎接樓臺鐘鼓神龕
懸半壁春水池田長綠苔咫尺龍潭深莫渡欲渡恐有蛟龍
怒徘徊洞口澹忘歸野樹凝紅日已暮

武寧縣志

卷四十一

藝文古體

十四

八百七十五

茅坪石

湖南補縣丞翁 繁

茅坪之山高幾許矗矗去天疑尺五雲氣遙連飛洞峰嵐光
映接瓶溪浦山靈毓秀孕清奇雲根幻石如瓊瑰五丁不作
祖龍杳老坑深處何人開誰知神物終難秘有美忽向山腰
出按劍羣驚席上珍流光似出鮫人室良工追琢同珪璋或
爲屏硯或界方堅純宛似崑山玉嫩骨猶如塞上霜我聞海
嶽庵中客袍笏拜奇石又聞蘇長公東海籠袖中願將此石
襲緹錦厥貢惟金同三品

孝井

盛 莊

嗟哉此井水甘冽異他處至性所感激神龍亦潛助不然地
高亢那得通泉路沸沸而瑩瑩兼可澄操慮我嘗來其上躑
躅不能去緬彼當年闢鑿心菽水承歡營冰署功成汲獻清

且漣一勺一瓢深孺慕世兒紈袴漫相誇飲酒先生邀浮譽
何如青氈分外幽高堂式飲神饜饌惠澤亦復公士民絡繹
爭取無朝暮日月晦蝕海亦枯岸石淺缺水陰涸國子先生
盛學烹奕世猶能循其步真情所觸將毋同復將智井浚如
故

劍石歌

湖北監利縣丞 王瑞鼎 主園

修江有劍石兀立蟠溪西相傳仙劍削削劣難扳擠其上產
芝草其下生玻瓈在昔黃涪翁過此每羈栖水月雙清字剔
蘚崖罅題釵脚今安在古跡志棗梨我家住南澣盈盈只隔
溪南宋以來世復世誰其壽考與茲齊吁嗟乎人生一世苦
旁午敢讓江山獨千古

偕盛霞軒遊大源山洞

邑庠 張尙銘 熙臺

武寧縣志

卷四十一

藝文古體

十五

八百八
五百〇二字

秋中萬象澄人意與軒豁我友招我遊拄杖詢所適眷言盤
谷好緣磴把臂入延袤三十里吳楚區南北兩峯屹其外指
顧嗟奇絕樂哉洞天幽誰代闢荆棘兩間多異境高深曷窮
極齟齬祇平行胡爲坐太息奧如廓有容徑不礮礮仄比偕
磊落儔意象相得得仰視飛翎高俯聽流泉咽閒雲卷巔末
空翠近欲濕山棚幾人家炊烟補林隙偶然值林叟遽然迎
我揖啜我山閒茶啖我山閒栗坐說年時好四隣沐膏澤疎
籬豆枝紅蘆苞綴玉粒秋崖處處花冷淡傲春色以此緬桃
源因歎身世拙行藏但有時與君各努力巖下香風來今夕
竟何夕笑謝山中人予亦從茲出

鯤花岡拜張閏榻先生墓

邑庠 盛化神 兩一

椁山一布衣墓草已五綠當日蓋棺時萬里來芻束我思古

之人立志潔如玉英華散九垓遺塚委荒麓春日杜鵑啼秋
深暮猿哭悠悠重泉中芳魂獨淵穆

望龍峯

國學生 魏之珍 席甫

金城古觀地稱僻亂峯環聳雲抱日觀後有峯號曰龍一尖
插天形似筆絕頂自昔祀龍王噓枯澤朽濟民急早暵禱雨
雨傾盆神靈半藉山靈力我曾九月躋其巔髣髴去天不盈
尺一朝廟貌煥然新想像聲靈長拜揖

雲臺石

在江陰鄉山絹源口

韋世楓

拂雲

暮雲不許來朝雲不許到蒼蒼自出雲只許清風掃

古柏行

用杜工部原韻

潘文誦

鳴琴堂前植古柏四百年來固磐石霜雪鍛鍊歲寒心老氣
橫秋高百尺朝罨梢頭雲氣青暮篩葉底月痕白玉枕峯高
武寧縣志 卷四十一 藝文古體 十六 八百八十七
有鍾靈人似甘棠相珍惜濃陰覆翠鎖隅東遙看氣燄逼牛
宮蟠龍蒼曲自攬拏一掃山林萬木空撐持百里艾子國老
盡春雨復秋風生成原有後彫質不受人間匠斲功乘時自
足作梁棟孤高偃蹇猶見重兩代人民任變遷花晨月夕相
拋送依舊枝葉此青青不巢凡鳥巢靈鳳人生抱質自完全
材大終能歸大用

南皋八景

潘藝蘭

獨步荒山裏荆杞靄雲霧傳是昔時仙爐灶煉丹處羽化今
已遠我來方遲暮深感清淨理清風度林樹 雞山仙穩
野老安貧賤世事無一求夜卧東山月日濯高澗流澗水清
且淺小魚時出遊萬物自閒妙造化與沈浮 南澗清流
斫石嵌爲塔森聳在深山朝見鳥飛去暮見鳥飛還木石嘗

與俱空山養疎頑太虛本寥廓飛飛者自閒丹霄雁塔

小徑曲折入參差多廬舍雲中雞犬繁屋角桑麻亞兩岸夾

桃花一溪緣源乍桃落復桃開何事騁塵駕桃源春富

結茅臨絕頂林泉生虛籟風吹白雲開天空星辰大摘之欲

懷歸仙子不我賚何當策高足置身遊塵外槎源星近

雲欲與之離石故爲之合石欲與之吐雲故爲之納石與雲

相志雲與石相狎如劍光出獄如太璞在匣島山雲橫

芟芟叢枝桠瑩瑩垂金露好風自東來遙聞天香度昔者有

高人於今尋佳趣景物自依然風徽邈難慕東山瑞桂

西嶺有喬松高與雲霄接孤榦何挺拔旁無他枝葉小草俯

其根顧盼好顏色嚴霜一朝來淒淒衆芳歇西嶺喬松

遊魯溪洞

邑優 余紹曾 香泉

武寧縣志

卷四十一

藝文古體

十七

八百五十一

見說魯溪勝奧窅開洞天有客招邀去芒鞋踏秋煙拍肩挹
袖七八子石門斜入層崖巔呼童吹火發松炬跣足摳衣涉
沙渚九曲蟻珠一綫穿千態萬狀不可數平疇厯落疊町畦絕
壁噌吰嵌鐘鼓仙佛青蓮枯髮垂棋局蒼苔爛柯古洞室偃
仄潭窟深到此不容人布武童子語我行且止此是老龍出
入之門戶大旱時起膚寸雲洒向魯溪作霖雨噫噦噓此洞
大約闢自洪荒初洪荒寂寂無鐘鼓洞中鐘鼓誰爲摹洪荒
芒芒無隴畝洞中隴畝誰爲鋤上古先人開圖繪森列萬象
良非誣造物巧以物肖物神者其精形者粗不知十二萬年
後此溪此洞長存無我來偶得一瞬住作詩火急追亡逋清
景一失後難狀此語吾聞諸老蘇

登南山絕頂

邑廩 余煒 午暉

三徑黃花爛熳四圍紅樹蕭然遣興南山高處芒鞋踏破秋
煙
峭壁捫藤直上浮嵐把袂徐穿境僻行人到少斜陽幾樹殘
蟬
絕巘荒涼丹灶重岩滴瀝清泉桑落西風醉倒石牀穩抱雲
眠
忽訝身超塵世竟如人坐壺天拍掌一聲長嘯青山綠水悠
然

綠石硯銘

硯端鑄玉堂新樣四隸字

同邑議敘

張向仁

友山

我愛此山石品與圭璋列春露潤之清以潔秋霜勵之堅且
烈望之光哲哲叩之聲咄咄毀之不裂汚之不涅噫嘻是石
也直友筆方友墨友山氏取而切磋琢磨與爲珍惜館之藁

武寧縣志

卷四十一

藝文古體

十八

八百二十四

竹園卧以綠芸室綠綺和聲綠天養質是謂君子之交端厥
始同術同方惟其終同心同德綠石陰硯昔王丁安石謂之玉堂
新樣安石以詩報之曰玉堂新樣更鮮予得端溪製硯既
久埋瘴霧看猶濕挹取春波洗更鮮予得端溪製硯既
成先於一面係之擢出復於背述其事且繼之以詩曰歷盡巒溪
幾度春朝美荆公亦聊以廣好
人輿匪敢媿意云爾友山氏又識

車孝女歌

見列女

教諭

范佩蘭

香谷

割股療親固非庸德然得自未知書之女子且得之
既嫁之後孝行可嘉因賦以志焉

孝近於愚行轉奇年豐車氏有女兒女兒傷心父垂危聞言
割股乃可醫遂將私割入藥糜忍泣救父計無施那管此割
血淋漓爾室潛自禱神祇父病霍然果平夷人言孝子不體
虧女盡乃心他安知苟利於父無不爲試問倉皇誰能之真

誠貫日原非癡况又得之已嫁時已嫁而孝猶不衰願持此
意愧鬚眉

癸卯春初柯煇叔陪汪菱侯葉蔚堂遊魯溪洞予病目
不得偕行因憶嚮時所歷書懷以贈

洞口人 劉汝楫 藕航

魯水出山何離奇橫空噴雪懸巖飛盤迴起落遶溪下都在
玲瓏石閒瀉盈盈蓄洩蛟龍宅精華凝鍊長天色妙合之精
來蒼芎西風吹開煙塵隔蟾光直逼水光溢水中碧落流瑟
瑟九霄敞鏡夜輝晴一印勻圓潭底出龍潭印迎波翻播水晶
毬波痕毬影相跳脫潭西虬甲松千尺潭北嶙峋獅子石松
陰石黛潏洄中虬盤獅踞浴清白巖下漣漪巖上竹天然瀟
湘圖一幅時搖葉葉映練紋狀得魚遊半奩曲陳嶺洞側名泉

武寧縣志

卷四十一

藝文古體

十九

八百一十一
五百五十九

鳴銅絃聲大磨嶺前名寶光照天燭黃婆老死丹竈寒竈畔砂

沈新草綠相傳黃婆能燒藥為翩翩雙燕藏形迹葛屨何曾

歸馬脊葛洪曾居洞遼陽鶴去杳難尋當年空飛王喬喬王

嘗過洞東之南山故雖有名山咫尺隣仙之人兮斷消息昂

首試爲山靈語陸離光怪徒如許岫裏閒雲自去留五千年
來無地主石室空空冷如秋胡乃孑然獨居處豈謂巫娥弗
善守其素雲雨錯向陽臺賦牽惹多精楚襄王一夢遺留千
載汗玉洞不與塵世通人煙流水桃花別有天層嵐隱蔽神
仙路人踪不度天台巔天桃誤引劉郎入却怪胡麻一飯相
糾纏爲此灰心安寂寞酒狂詩淫怕溷濁且任采薪牧犢流
自往自來自灑落山靈見說開口笑君言高潔復諧妙若云
飲谷有前緣除是遞鐘操同調我聞毘寓黃涪翁其人與地

相始終五百載後盛氏起劍山芳名如芳蹤此外鯁花岡神
異棲遲雅稱赫曦冬張閏魯山何竟弗相捋須君峰下白茅
結五千年來待至今莫辜天地爲君設

讀柳貞公祠堂記有感

新昌舉人張炳然煥堂

曩初客武城萬峯攬浮翠惟柳峙西南特立標名異殷勤叩
主人巔未知之備山固藉姓傳井復以諡字先生家河東偶
膺衢州吏斗米恥折腰掛冠尋勝地憑茲築書臺伏處求其
志石室餐蕨苗玉案羅經笥晚邀世主知遂同平章事居匪
烟霞僻仕豈華袞餌出處大義明潛見皆當位公既屈而伸
山靈同拔萃後賢仰止深爲作祠堂記我讀神往之繭足不
能至何時謝屐偕梯雲遙與跂一勺薦黃泉萬卷探奇致星
斗手可捫俯瞰飛鳥翅奧曠足徜徉於焉願終寄

武寧縣志

卷四十一

藝文古體

二十

八百四十一

武陵潭石洲修隄紀事

監生舒翼淡菴

武陵崖下武陵潭潭百尺深綠波涵水自西來值秋盛雷轟
電掣雨意酣雪浪排山山欲倒沿溪有路難爲保走石推沙
此成洲途窮苦被行者惱盼斷洪流無路通幾度庇材與鳩
工連以木欄填以石早晚督成風霜中隄旣屹然亘泱漭高
廣丈六長百丈上有巨石砥狂瀾殺其水勢忘洸潒自來文
石係尋思更取綠楊想象之一勞永逸胥是役差爲行旅示
坦夷